

314

increscere ægro vifi; tumor genu sinistri et ad malleoli articulationem magis elevatur vehementiori sub ad tactu dolore. Pulsuum eadem, ac vesperæ superiori, ratio. Cetera eadem. Continuet in usu medicaminum jam præscriptorum, quibus addantur sequentia:

Bz. Flor. Chamomill.

— Sambuc.

Hb. hyosciam.

— Cicutæ

Sem. lin. contusos. aa. Manip. unum.

M. D.

S. Species pro fomentatione aqua coquendæ et linteis tepidæ regioni hypogast. adplicandæ.

Bz. Liniment. volatil. camphorat. unc. duas.

D.

S. pro frictione pedis. Diæta eadem.

Vespere. Pulsus molles, minus frequentes. Dolor ad symphysin ossium pubis pressione facta magis obtusus; ardor urinæ paulo majori vehe- mentia constans. Exploratione per anum instituta tumor animadversus, regionem colli vesicæ oc- cupans, durus, forsitan prostata indurata. Reli- quia eadem. Continuetur in ceteris.

Die 25ta. Somnus de nocte aliquis. Dolores articulorum nulli; capitum tamen exigui. Sedimentum urina contentum, plus parte dimidia auctum, ejusdem adhucdum naturæ, ac supra in- dicavimus. Pulsus frequentes, nec, ut antehac, molles. Cetera bona. Hesterna medicamina.

Aegro præterea potum ob saporem ingratum; ut ait, aspernanti, syrum emulsivum et in po- sterum concessimus pótui miscendum.

Vespere. Aliqua Symptomatum exacerbatio. Ardor in primis urinæ, cum dolorris in regione hy-